



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐԻ

Հ Ր Ա Մ Ա Ն Ը

« 10 » փետրվարի 2016 թվականի № 19-ՆԿ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ  
ՊԱՇԱՐՆԵՐԻ ՆԱԽԱՐԱՐՈՒԹՅԱՆ ԿՈՂՄԻՑ ԸՆԴԵՐՔՕԳՏԱԳՈՐԾՄԱՆ  
ԻՐԱՎՈՒՆՔՈՎ ՏՐԱՄԱԴՐՎԱԾ ԸՆԴԵՐՔԻ ՏԵՂԱՄԱՍԵՐԻ ԾԱՅՐԱԿԵՏԱՅԻՆ  
ԿՈՈՐԴԻՆԱՏՆԵՐԸ ARM WGS-84 ԿՈՈՐԴԻՆԱՏԱՅԻՆ ՀԱՄԱԿԱՐԳԻՆ  
ՀԱՄԱՊԱՏԱՍԽԱՆԵՑՆԵԼՈՒ ՆՊԱՏԱԿՈՎ ԳՈՐԾՈՂՈՒԹՅՈՒՆՆԵՐ  
ԻՐԱԿԱՆԱՑՆԵԼՈՒ ՄԱՍԻՆ

Ղեկավարվելով ՀՀ Կառավարության 2002 թվականի մարտի 11-ի N 225 որոշման  
1-ին կետի պահանջներով՝

Հ Ր Ա Մ Ա Յ Ո Ւ Մ Ե Մ

1. ՀՀ Էներգետիկայի և բնական պաշարների նախարարության (այսուհետ՝  
նախարարություն) աշխատակազմի ընդերքի տրամադրման գործակալության  
պետին՝ սույն հրամանը ստանալու պահից.
  - 1) երեք աշխատանքային օրվա ընթացքում նախարարության աշխատակազմի  
ընդերքի պետական տեսչությանը և նախարարության «Հանրապետական  
երկրաբանական ֆոնդ» ՊՈԱԿ-ին ըստ մարզերի տրամադրել Հայաստանի  
Հանրապետության տարածքում օգտակար հանածոների արդյունահանման  
նպատակով երկրաբանական ուսումնասիրության (այսուհետ՝ ուսումնասիրություն)  
ընդերքօգտագործման իրավունք ստացած ընդերքօգտագործողների ցանկը  
(այսուհետ՝ «ցանկ 3»).
  - 2) տասն աշխատանքային օրվա ընթացքում նախարարության աշխատակազմի  
ընդերքի պետական տեսչությանը էլեկտրոնային եղանակով տրամադրել «ցանկ  
3»-ում ներառված ընդերքօգտագործողների ուսումնասիրության ծրագրերի  
«հանքերևակման շրջանում աշխարհագրատնտեսական բնութագիրը» մասերի,  
ուսումնասիրության թույլտվությունների, վերջիններիս վերաբերող (փոփոխող  
կամ լրացնող) ՀՀ Էներգետիկայի և բնական պաշարների նախարարի

հրամանների (առկայության դեպքում) և երկրաբանական ուսումնասիրության նպատակով ընդերքօգտագործման պայմանագրերի 1-ին և 2-րդ էջերի պատճենները:

**2. Նախարարության «Հանրապետական երկրաբանական ֆոնդ» ՊՈԱԿ-ի տնօրենին.**

սույն հրամանի 1-ին կետում նշված «ցանկ 3»-ը ստանալու պահից տասնաշխատանքային օրվա ընթացքում նախարարության աշխատակազմի ընդերքի պետական տեսչությանը թղթային և էլեկտրոնային եղանակով տրամադրել ցանկում նշված ընդերքօգտագործողների ընդերքօգտագործման իրավունքը հավաստող փաստաթղթերին առնչվող՝ «Հանրապետական երկրաբանական ֆոնդ» ՊՈԱԿ-ում գտնվող հանքերևակման տեղամասի՝ ուսումնասիրության թույլտվության կողողինատներով բնութագրվող տեղամասի սահմանները պարունակող իրավիճակային հատակագծերը.

**3. Նախարարության աշխատակազմի ընդերքի պետական տեսչության պետին.**

1) սույն հրամանի 1-ին և 2-րդ կետերով սահմանված համապատասխան նյութերը ստանալուց հետո կատարել «ցանկ 3»-ում ներառված ընդերքօգտագործման իրավունքով տրամադրված ընդերքի տեղամասերի կողողինատների ճշգրտումներ՝ ընդերքօգտագործողի ներկայացուցչի մասնակցությամբ (ներկայանալուց հրաժարվելու դեպքում՝ բացակայությամբ) իրականացնելով չափագրման աշխատանքներ.

2) «ցանկ 3»-ում ներառված յուրաքանչյուր տեղամասի համար կատարված ճշգրտումների արդյունքները՝ համապատասխան եզրակացությամբ տրամադրել նախարարության «Հանրապետական երկրաբանական ֆոնդ» ՊՈԱԿ-ին:

3) «ցանկ 3»-ում ներառված յուրաքանչյուր տեղամասի համար ճշգրտումների իրականացման անհրաժեշտության բացակայության դեպքում տեղեկանք տրամադրել սույն հրամանի նկատմամբ հսկողություն իրականացնող պաշտոնատար անձին.

**4. Նախարարության «Հանրապետական երկրաբանական ֆոնդ» ՊՈԱԿ-ի տնօրենին.**

1) նախարարության աշխատակազմի ընդերքի պետական տեսչության կողմից «ցանկ 3»-ում ներառված ընդերքօգտագործման իրավունքով տրամադրված ընդերքի տեղամասերի ARM WGS-84 կողողինատային համակարգով ճշգրտված ծայրակետային կողողինատների վերաբերյալ համապատասխան եզրակացությունը ստանալուց հետո հինգ աշխատանքային օրվա ընթացքում համադրել «Հանրապետական երկրաբանական ֆոնդ» ՊՈԱԿ-ում առկա նյութերի կողողինատների հետ և համապատասխանության դեպքում՝ ընդերքի տրամադրման գործակալություն ներկայացնել եզրակացություն՝ տեսչության եզրակացության հետ միասին.

2) նախարարության աշխատակազմի ընդերքի պետական տեսչության կողմից կատարված աշխատանքների արդյունքում ճշգրտված ծայրակետային կողողինատների և ֆոնդում առկա նյութերում կողողինատների մեջ

անհամապատասխանությունների առկայության դեպքում՝ երկու աշխատանքային օրվա ընթացքում այդ մասին տեղեկացնել նախարարության աշխատակազմի ընդերքի պետական տեսչությանը՝ համատեղ քննարկումներ և ճշգրտումներ կատարելու նպատակով:

**5. Նախարարության աշխատակազմի ընդերքի տրամադրման գործակալության պետին.**


սույն հրամանի 4-րդ կետի 1-ին ենթակետում նշված եզրակացությունները ստանալուց հետո հինգ աշխատանքային օրվա ընթացքում ՀՀ Էներգետիկայի և բնական պաշարների նախարարին ներկայացնել առաջարկություն՝ կցելով համապատասխան կազմակերպության թույլտվության մեջ փոփոխություններ իրականացնելու մասին հրամանի նախագիծ և տեսչությունից ու գործակալությունից ստացված եզրակացությունները (անհրաժեշտության դեպքում այլ փաստաթղթեր):

**6. Նախարարության աշխատակազմի ընդերքի պետական տեսչության, ընդերքի տրամադրման գործակալության պետերին և նախարարության «Հանրապետական երկրաբանական ֆոնդ» ՊՈԱԿ-ի տնօրենին.**

Սույն հրամանով և ՀՀ Էներգետիկայի և բնական պաշարների նախարարի 15.09.2015 թվականի թիվ 395-Ա հրամանի 6-րդ կետով նախատեսված աշխատանքների իրականացման վերաբերյալ ամսեկան հաշվետվություններ ներկայացնել սույն հրամանի նկատմամբ հսկողություն իրականացնող պաշտոնատար անձին:

**7. Սույն հրամանով սահմանված «ցանկ 3»-ի և ՀՀ Էներգետիկայի և բնական պաշարների նախարարի 15.09.2015 թվականի թիվ 395-Ա հրամանով սահմանված «ցանկ 2»-ի հետ կապված գործողությունների իրականացման վերջնաժամկետ սահմանել 2016 թվականի սեպտեմբերի 1-ը:**

**8. Սույն հրամանի կատարման հսկողությունը վերապահել ՀՀ Էներգետիկայի և բնական պաշարների նախարարության աշխատակազմի ընդերքի վարչության պետին:**



ԵՐՎԱՆԻ ԶԱԽԱՐՅԱՆ